

Inatsisartut Suleriaasianni § 33 naapertorlugu matumuuna Naalakkersuisut aalajangiiffigisassatut siunnersuut tulliuttoq saqqummiuppaat:

Ajoquusersimanermut sillimmasiisarfinnut qularnaveeqqusiisarnermut aningaasaateqarfik pillugu inatsimmi aalajangersakkani assigiinnngitsuni § 1-imik allannguinerup Kalaallit Nunaanni atortussanngortinnejnarnera pillugu Kunngip peqqussutissaatut siunnersuut (Digitalikkut attaveqatigiinneq, matussusiiffiit allanngortinnerat, matussusiisarfimmik allannguineq, tapiinermut toqqammavik, ilaasortaanissamut piumasaqaat, piffissap matussusiiffiup annertusinera, aningaasaateqarfifiup aningaasaatai, arbejdsmarkedets erhvervssikringip qamutinullu motoorilinnut akisussaanermik sillimmasiinerit ilanngunneqarneri)

(Aningaasaqarnermut Akileraartarnermullu Naalakkersuisoq)

Tunngavilersuut

Peqqussutissaatut missingummi uani ajoquusersinnaanermut sillimmasiisarfinni qularnaveeqqusiinermut aningaasaateqarfifiup inatsisaat pillugu peqqussutip nutarternissaa siunertaavoq. Allannguutikkut qallunaat allannguutitut inatsisaat arlallit, qularnaveeqqusiisarnermut aningaasaateqarfimmuk inatsimmut allannguutnik imaqartut Kalaallit Nunaanni atortussanngortinnejnarput.

Qularnaveeqqusiisarnermut aningaasaateqarfinnut inatsisip ajoquusernermi sillimmasiisarfifit aningasanik akiliinissamik, kiisalu ajoquusernermut sillimmasiinermut akiliutip ilaanik qularnaveeqqusiisarnermut aningaasaateqarfimmuk akiliisarnissamik pisussaaffiliivoq. Qularnaveeqqusiisarnermik aningaasaateqarfifiup ajoquusernermi sillimmasiisarfifiup akiliisinnaajunnaarnerani, allatigulluunniit sillimmasiissutigineqartup matussusernissaanut qularnaarinnissinnaajunnaarnerani, piumasarineqartunut matussusiinissaq qularnaartarpaa.

Ajoquusernermi sillimmasiisarfinnut qularnaveeqqusiisarnermut aningaasaateqarfik pillugu inatsit 2008-mi Kalaallit Nunaannut atortussanngortinnejnarpoq, peqqusummullu allannguutissatut siunnersummi 2010-mit 2023 tikillugu qallunaat inatsisaanni nutarterinerit qulit ilaatinnejnarput.

Danmarkip Kalaallit Nunaat Savalimmiullu peqatigalugit nunat tamat akornanni kattuffiup FATF (*Financial Action Task Force on Money Laundering*) ataani 2027-mi ataatsimut nalilerneqarnissaat tunuliaqutaralugu peqqusummik nutarterinerit ilaatigut isigineqassapput. Kingullermik Naalagaaffeqatigiit 2017-imik nalilerneqarput, inatsisillu Danmarkimilu, Savalimmiuni Kalaallillu Nunaanni aqutsinerup assigiinnnginnera nalunaarusiam maluginiarneqarpoq.

Peqqusummut nalimmassaarnerit marlunnut avitaapput, siullermi ukiut qarasaasiat atuuffii isiginiarneqarput, aappaanilu nunatsinni ajoquusernermik sillimmasiisarnermut immikkoortoq aaqqissuuteqqinneqarlni, taamaalilluni qularnaveeqqusiinermut aningaasaateqarfik inatsimmik toqqammaveqarnerup ataani matussusiinermit, nunami najugarisami periutsimi matussusiinermut

nuutsinneqarluni. Taamaalilluni niuerfik EU-mi, nunanilu EU-p isumaqatigiissuteqarfigisaani sillimmasiisarfii Kalaallit NUnaanni sillimmasiinernik neqerooruteqarsinnaanerannut ammaanneqarpoq. Allannguutitigut sillimmasiisarfiiup Danmarkimiittup, Kalaallit Nunaanni tuniniaassisoqartumi nunatsinni atuisut assigiimmik illersugaanerat anguneqarpoq.

Siunnersuutip pingarnertut imarisai

Peqqussutsikkut kapitali 8a nutaaq, 15 a-mit 15 c-mut aalajangersagartalik invertinneqarpoq. Aalajangersakkat invertinneqartut oqartussaasoqarfimmi ministeri akisussaasoq (Erhvervsministeri) ajoquusernermut sillimmasiisarfinnut qularnaveeqquisiisarnermut aningaasaateqarfik pillugu inatsit naapertorlugu attaveqatigiittarnerit qarasaasiatigoortumik pisarnissaanik malittarisassiorsinnaaneranik piginnaatitsivoq. Tamatuma saniatigut qarasaasiakkut nalunaarut tigusisussamut qarasaasiakkut takkukkaangat tiguneqarsimasutut isigineqalertartoq, kiisalu digitalikkut atsiornerup allakkatigut atsiornermut taarsiullugu atorneqarsinnaanera ilanngullugit aalajangersarneqarput.

Peqqussutsikkut qularnaveeqquisiisarnermut aningaasaateqarfiiup matussusiivigisinnaasai, ilapittuinermillu tunngavii allanngortinneqarput, taamaalilluni ajoquusernemi sillimmasiisarfii EU-mi, nunaniluunniit EU-p isumaqatigiissuteqarfigisaanni angerlarsimaffeqartut, Kalaallit Nunaanni sillimmatnik neqerooruteqarsinnaasunngorlugit allannguiffingineqarput. Allannguutini nunami angerlarsimaffeqarnermi periutsimit nunami najuuffimmi periutsimit allannguisoqarpoq. Suliffeqarfii EU-mi, nunaniluunniit EU-p isumaqatigiissuteqarfigisaanni angerlarsimaffillit, aningaasaateqarfimmut akiliisartussaanerat tamatuma kinguneraa, taamaammallu taakku sillimmasiissutaat aamma akiliisinnaajunaarnermi qularnaveeqquisiinermi matussuserneqarlutik. Ingerlatseqatigiiffik, suli sillimmatnik neqerooruteqarsinnaanermut Finanstilsynimit akuersissuteqartussaq, taamaalilluni siumoortumik Finanstilsynimit akuerineqassaaq.

Taamattaaq qularnaveeqquisiisarnermut aningaasaateqarfiiup matussusiisarnera piginnittup nikinnerani sillimmatinut, tuniniaasup akisussaaneranut sillimmatinut kiisalu sanaatornermi ajoquusernernut sillimmatinut sillimmatip atuunnera tamakkerlugu Kalaallit Nunaanni aarlerinaatinut matussusiisunik sillimmaserneqartunut atuuttussanngorlugu annertusineqarpoq.

Nunat matussusiiffit annertusineqarnerannut atatillugu, qularnaveeqquisiisarnermut aningaasaateqarfimmi ajoquusernernut sillimmasiisarfii ilaajunnaartinneqarnerannut atatillugu, kiisalu taakku paasissutissanik pappiaqqanillu uppermarsaatnik piumasaqarnissamut piginnaatitsissutinut, Finanstilsynimut piginnaatitsissut annertusineqarpoq.

Annertusissutikkut aamma aningaasaateqarfiiup aningaasaataasa illersorneqarsinnaasumik aqunneqartussaanerat pillugu peqqussummi aalajangersakkani inverttsisoqarpoq.

Taamattaaq sulinermi ajoquusernernut sillimmasiinernik allaffissornikkut ingerlatsineq Arbejdsmarkedets Erhvervssikringimit (AES) qularnaveeqquisiisarnermut aningaasaateqarfimmum

tunniunneqarput. Akiliisinnajunnaarnermi suliani AES-ip akuuffigisaani, AES-illu ingerlatseqatigiiffiup sulinermi ajoqusernermi sillimmasiiffigisaani, qularnaveeqqusiiresarfiup pisinnaatitaaffeqarfinnut pisussaaffinnullu akiliuttarnera tamatuma kinguneraa.

Peqqussummiittaaq ajoquersimasumit taarsiivigineqarnissamut piumasaqaatinut, ajoquersimanerup qamutinut motoorilinnut akisussaanermut sillimmammit matussuserneqarnerani, sillimmasiisarfiullu akiliisinnajunnaarneranut atatillugu matussusiinermut immikkoortoq nutaaq ivertinneqarpoq. Peqtigisaanik qularnaveeqqusiiresarnermut aningaasaateqarfip, qamutinut motoorilinnut akisussaanermik nunami pineqartumi sillimmasiisoqarsimatillugu, nunani allani aningaasaateqarfimmit assingusumit utertitsivigineqarsinnaanermik qinnuteqarsinnaaneranut periarfissaq atulersinnejarpoq.

Pisortanut aningaasatigut kinguneqaatit

Siunnersuut taasarialinnik pisortanut aningaasatigut kinguneqaateqartussatut ilimagineqanngilaq.

Namminersorlutik inuussutissarsior tunut, innuttaasunut il.il. aningaasatigut allaffissornikkullu kinguneqaatit

Peqqussutsikkut nunatsinni sillimmasiisarnermut niuerfimmi unammillersinnaanermut periarfissat annertusineqarput, taamaalillunilu tunngaviusumik atuisut sillimmasiissutimik akiini appartoornermik misigisinnaapput.

Peqqussut ajoqusernermi sillimmasiisarfinnut annertunerusumik aningaasatigut nammakkiivoq, taakkumi siunissami qularnaveeqqusiiresarnermut aningaasaateqarfimmut, aningaasaateqarfimmi sillimmasiinermut immikkoortunut nutaanerusunit sanilliullugu, kiisalu ajoqusernermut sillimmasiisarfinnut nutaanut, nunatsinni sillimmasiisarnernik ingerlatsinissamik kissaateqarumaartunit akiliinerusalissapput.

Suliani pisussaaffinnik sulinermut atatillugu ajoqusernernut sillimmasiisarneq pillugu inatsimmut ilaatinneqartunik Arbejdsmarkedets Erhvervssikringimit pisussaaffinnik tunniussineq, nuussinermoriaq atatillugu kiisalu siunissami pisinnaasunut atatillugu aningaasartuutit aningaasalorsorneqarnerenik aningaasartuutinik siuartitsinermut atatillugu, sulisitsisunut namminersortut killilimmik aaningaasartuuteqarnerunissaannik malitseqassasoq ilimagineqarpoq. Qularnaveeqqusiiesarnermut aningaasaateqarfik ilaannakortumik ingerlaavartumik akiliutitigut qularnaveeqqusiiesarnermut aningaasaateqarfip aningaasaataanik siumoortumik annertusiartortsinikkut aningaasalorsorneqarnera assigiinngissutaassaaq.

Tusarniaaneq

Siunnersuut piffissami xx.xx.xxxx-xx.xx.xxxx tusarniaavinnut toqqakkanut tusarniaassutigineqarpoq, taamatullu tusarniaanermut isaariami www.naalakkersuisut.gl-mi tamanut takusassiarineqarluni.

Ilanngussat

1. Ajoquersimanermut sillimmasiisarfinnut qularnaveeqqusiarnermut aningaasaateqarfik pillugu inatsimmi aalajangersakkani assigiinngitsuni § 1-imik allannguinerup Kalaallit Nunaanni atortussanngortinneqarnera pillugu Kunngip peqqussutissaatut siunnersuut (Digitalikkut attaveqatigiinneq, matussusiiffiit allanngortinnerat, matussusiisarfimmik allannguineq, tapiinermut toqqammavik, ilaasortaanissamut piumasaqaat, piffissap matussusiiffiup annertusinera, aningaasaateqarfiup aningaasaatai, arbejdsmarkedets erhvervssikringip qamutinullu motoorilinnut akisussaanermik sillimmasiinerit ilanngunneqarneri)
2. Ajoquersimanermut sillimmasiisarfinnut qularnaveeqqusiarnermut aningaasaateqarfik pillugu inatsimmi aalajangersakkani assigiinngitsuni § 1-imik allannguinerup Kalaallit Nunaanni atortussanngortinneqarnera pillugu Kunngip peqqussutissaatut siunnersummik eqikkaaneq. (Digitalikkut attaveqatigiinneq, matussusiiffiit allanngortinnerat, matussusiisarfimmik allannguineq, tapiinermut toqqammavik, ilaasortaanissamut piumasaqaat, piffissap matussusiiffiup annertusinera, aningaasaateqarfiup aningaasaatai, arbejdsmarkedets erhvervssikringip qamutinullu motoorilinnut akisussaanermik sillimmasiinerit ilanngunneqarneri)